

軍事

二百四十

死傷越數日又有俄兵來襲江界韓兵不戰而逃

各國軍事紀要

韓國 韓國東學黨首領劉真雄黨勢擴張而高昌和韓應先承君白尹去天等各占重要位置其主義在毀電線掃蕩日本軍殺外國領士報母國深仇盛唱李朝五百年而鄭氏當代理其國之讖文謂其主領鄭氏今在江原道此際各當排斥外人討伐李朝且云入此黨者誦秘法之咒文則能鎗礮不入刀劍不傷飛行空中逍遙自在因此愚民大為所惑懷恨於政府之苛政者多應和之其黨在洪原北青甲山三水之各郡當有三萬人云 三月二十九日漢城電二十七日韓國全羅道全州地方有東學黨巨魁四名現已被捕全州監察府照會韓廷軍部云捕獲巨魁四名應如何處分請卽示知該黨巨魁乃潛與忠清道之暴徒相通者

俄國 倫敦電俄國在遠東之勢力日減頗不滿意於國民故革命運動遍國四起而高加索省尤烈首領六人已為俄官所逮解交軍事裁判所審訊現已自縊 俄屬波蘭人圖謀自立有欲以炸藥浮於尼哇河欲闢將所泊新造俄國巡洋艦兩艘擊毀者事已發覺 十五日倫敦電俄國已於哇爾瑣及所屬波蘭各處宣布軍律欲圖阻止社會黨起義之舉 二十九日香港電哇爾瑣地方百姓殺戮顯官聲勢洶洶若非戰勝日軍不足以安戢內亂云 五月初四日香港電俄國北境芬蘭省巡撫巴伯力卡夫當入議院時突被人槍擊受傷甚重兇手之子議員詩我門立即自盡芬省民人咸謂抑壓太甚所致云

英國 上議院開院時宣讀陶諾慕伯爵所提議之兵事改革論意欲使印度及各屬地所有預備兵易於聚集且使屬地之自願為兵者能直接以自投効 五月初七日倫敦路透電英國拍司謀夫統帥飛瑟爾提督已身為水師中軍高

等武員

德國 三月十九日柏林電德廷已派陸軍中將特勞他爲征剿非洲西南境叛黨之司令總長 又電德軍少佐愛司託夫所部枝隊已擊散希蘭羅斯叛黨之軍並得擄獲物無算叛黨集軍於瓦德堡附近之處往北而退德軍追擊之又四月二十二日電德國騎兵在婆司德姆啓程往非洲之西南境德皇親往送行並屬其軍人勿忘其任務而須與陣亡之同胞復仇云 德國水師人員於立及斯坦會議時王族克狗夫氏提議云英國水師於我德甚有危險我德當速議定於常年擴張海軍費外再加造兵艦與魚雷艦

土耳其 土耳其南部阿美尼亞人作亂殺死三千餘人焚毀五十村 布加利亞國向土政府云有土耳其亂黨謀殺布加利亞避難人之事該避難人等現已同至馬其頓

摩洛哥 四月十五日倫敦電摩洛哥來斯烏利亂黨現在登奇阿拘住英人佛來美人撥狄楷立斯二人索贖美政府已派南大西洋及歐洲海軍中兵艦七艘前往問罪 十七日倫敦得華盛頓電美國外部海大臣已告法政府請其擔保將摩洛哥亂黨所拘之美國人撥狄楷立斯釋放法政府已經允許當有美國戰艦四艘駛抵吞其阿英國水師提督亦已由其伯爾脫趁蘇撥來斯船至該處與英使會商此事 二十六日倫敦路透電美國水師兵在天基亞登岸比國使署亦託其保護又增派依里諾司米梭里兩戰艦前往 又電云摩洛哥國王已派總督治其肇事匪徒並允早將被擄之人釋放旋由亂黨名雷斯由利者將所虜二人釋回 五月初一日倫敦路透電摩洛哥通國教會中人及士人組織一黨欲廢去其國王政府中人亦附和其間相助爲理該黨於英法協約未成之先已布署革命之事當協約成後政府中人遂從中挑撥控告國王賈國故其禍益烈云

軍事

二百四十二

五月

秘魯 巴西秘魯兩國之兵因爭國土起見在阿克地力戰數日秘魯國之兵爲巴西軍所敗傷亡甚衆約在二千以上
柏林消息玻利非亞國亦與秘魯國失和已調齊全國軍隊以敵秘魯